

45

†

Die 19 aprilis 1509, in Rogatis.

L'anderà parte, che tuti i consiglieri, avogadori et altri zentilhomeni nostri, che hano over haverano offitij et magistrati, de qualunque sorte et condition se voglia, in questa città nostra, principiando a di primo del mese de marzo proximo, siano tenuti servir per mesi 6 proximi senza alcun salario; i salarij de i qual, *integre* et senza alcuna diminution, pervegnino et siano de la Signoria nostra. De le utilità veramente, che *quomodocumque* i restano, da poy pagate et satisfate tute le graveze, angarie et tanse, statuite per le leze et ordeni nostri, la mità resti ne la Signoria nostra, et l'altra mità resti a loro. Et questo, non obstante parte alcuna in contrario, la qual *pro hac vice tantum* sij et se intendi esser suspesa; intendando, che per el tempo che cadauno servirà senza salario, non habi contumacia alcuna. Circa veramente i contrabandi che se troverano, se debi pagar la mità a la Signoria nostra; et le XL.^{tie} habino a servir *cum* la mità del salario che al presente le hano. *Verum*, a ziò che per tal causa i offitij non patiscano, da mo sia preso, che i apunctadori deputadi siano obligati ogni matina, et da poy disnar, i zorni et hore deputade, andar per li officij et apunctar tuti quelli non venirano, scuodendo i puncti dopij, qual ge siano pagati da la Signoria nostra. Et li apunctadi siano posti debitori, nè possino per alcun modo esser depenadi, fino che non harano *integre* satisfatto; et *insuper* non possino esser electi in alcun offitio, rezimento o consiglio fino ad anni 3 subsequenti. Essendo obligati essi apunctadori ogni sabato da matina presentialmente conferirse nel collegio nostro et *particulariter* dechiarir li apunctadi a nome per nome; nè possi alcun existente in dicti offitij reffudar sotto alcun velame, forma, over inzegno per spatio de mesi 6 proximi, ma debino in quelli perseverar per dicto tempo, sotto pena de privation per anni 5 de tuti officij, beneficij, rezimenti et consogli. I scrivani *similiter*, nodari, massari et fanti de tuti i officij et magistrati nostri, che sono pagati de i danari de la Signoria nostra, over de' datari o altri, che pagano o non pagano 30 et 40 per cento; et *similiter* soprastanti, stimadori et altri, che hano offitij publici, a nome de' dacieri o altri, che hano salarij o ver utilità; i scrivani et massari, sazadori et fundadori de la cecha da l'oro et da l'ariento; i scrivani et massari de l'arsenal; i

nodari, castaldi et massari de le procuratie; sazadori del sal; i scrivani et altri ministri de l'offitio di camerlengi; i nodari, scrivani et altri di procuratori sopra i acti di sopra gastaldi, et di sopra gastaldi; i pallatieri tuti; i scrivani, nodari, massari, sanseri de la camera d'imprestidi, cazude, tre provedadori sopra i offitij, 3 provedadori sopra le revision di conti; nodari et altri ministri de la avogaria, *similiter* 45* de i X savij; *ac demum* tuti quelli hano offitij, sotto qualunque nome et titolo, a i provedadori de comun a la dohana da mar, al dacio dal vin, al fontego di thodeschi, et cadauna altra sorte offitij, pagar debino, oltra le graveze ordinarie, la mità del neto, sì de' salarij, come de utilità restante. Essendo obligati tuti li antedicti, sì signori come scrivani, nodari et altri nominati, tenir distincto et particular conto, a di per di, de tute utilità li pervenirano ne le mano; et, per la parte spectante a la Signoria nostra, portar debino de septemana in septemana a l'offitio di governadori nostri de le intrade, senza diminution alcuna, insieme *cum* el dicto conto, sotto tute le pene contenute ne la parte de i furanti, et tute le altre pene et condition, *in reliquis*, contenute ne la parte presa nel nostro mazor conzeglio a di 6 decembrio 1500. *Præterea* la cancellaria pagar debi ducati 500, come fu deliberà al tempo de la guerra de Ferrara, et a la guerra del turcho. *Verum*, perchè è necessario far conveniente provision *etiam* dei rezimenti et offitij da parte da mar et da terra, da mo sia preso, che tuti rectori, camerlengi, castellani, et tuti altri ufficiali et judicenti zentilhomeni nostri, sì in tute terre et luogi nostri, come *etiam* in luogi alieni da parte da terra et da mar da Quarner in qua, et *similiter* i ufficiali popolari, *videlicet* vicarij, zudesi, cancellieri, et altri de la fameglia de essi rectori, collaterali, nodari et scrivani de le camere nostre, et *generaliter* tute altre persone, *nemine omnisso, excepto* che galdeno offitij et beneficij, sì *ad tempus* come in vita, et hano salarij et utilità, sì da le camere, come da le comunità, et altri, sì contenuti, come non contenuti ne la parte del contribuir, contribuir debino la mità de li salarij et utilità, *cum* tuti i modi dechiariti et specificati de sopra. *Hoc declarato*, che dove i ufficiali de questa città sono tenuti presentar i danari et conti a i governadori, tuti i predicti li debano presentar in camera, quando farano i pagamenti; i qual conti siano mandati de tempo in tempo a i governadori, *juxta* la continencia de la parte, presa in questo consiglio a di 10 decembrio 1500. Quale in *reliquis suis partibus* sia eseguita, *cum* questa addition, che oltra tute le parte contenute in essa deliberation, sia spe-